

SAUDIJSKI RAZVOJNI FOND – SDF

Broj: 01-36-105-2962-1/13
Sarajevo, 15.07.2024.godine

Na osnovu člana 100. stav (3) Zakona o javnim nabavkama (u daljem tekstu: ZJN, „Službeni glasnik BiH“ broj 39/14, 59/22), člana 108. stav (4) i člana 199 stav (3) Zakona o upravnom postupku („Sl. Glasnik BiH“ broj 29/02, 12/04, 88/07, 93/09, 41/13, i 53/16), rješavajući po žalbi ponuđača ELEKTROCENTAR PETEK d.o.o Tuzla, izjavljenu na Tendersku dokumentaciju broj: 01-36-105-2961-1/13 od 26.06.2024. godine, za Otvoreni postupak javne nabavke - Izvođenje građevinskih radova na rekonstrukciji i izgradnji 12 stambenih jedinica u općinama Ilijaš, Vogošća, Pale FBiH, u okviru implementacije Projekta obnove stambenih jedinica za raseljena lica Bosne i Hercegovine iz sredstava Saudijskog fonda za razvoj-SDF, federalni ministar *d o n o s i*:

R J E Š E N J E O USVAJANJU ŽALBE

I.

Usvaja se žalba ponuđača ELEKTROCENTAR PETEK d.o.o Tuzla, izjavjenja na Tendersku dokumentaciju broj: 01-36-105-2961-1/13 od 26.06.2024. godine, za Otvoreni postupak javne nabavke - Izvođenje građevinskih radova na rekonstrukciji i izgradnji 12 stambenih jedinica u općinama Ilijaš, Vogošća, Pale FBiH, u okviru implementacije Projekta obnove stambenih jedinica za raseljena lica Bosne i Hercegovine iz sredstava Saudijskog fonda za razvoj-SDF.

II.

Ugovorni organ će u skladu sa ovim Rješenjem izvršiti izmjenu Tenderske dokumentacije broj: 01-36-105-2961-1/13 od 26.06.2024. godine.

III.

Ugovorni organ će o poduzetoj radnji i izmjenama obavijestiti sve potencijalne učesnike u postupku na portalu javnih nabavki, te će ovo Rješenje biti objavljena na web stranici Ugovornog organa.

IV.

Rješenje stupa na snagu danom donošenja.

O b r a z l o ž e n j e

Federalno ministarstvo raseljenih osoba i izbjeglica, kao Ugovorni organ, pokrenulo je Otvoreni postupak javne nabavke - Izvođenje građevinskih radova na rekonstrukciji i izgradnji 12 stambenih jedinica u općinama Ilijaš, Vogošća, Pale FBiH, u okviru implementacije Projekta obnove stambenih jedinica za raseljena lica Bosne i Hercegovine iz sredstava Saudijskog fonda za razvoj-SDF. U predmetnom postupku nabavke na Tendersku dokumentaciju broj: 01-36-105-2961-1/13 od 26.06.2024. godine, potencijalni ponuđač ELEKTROCENTAR PETEK d.o.o Tuzla, izjavio je žalbu, a koja je kod ugovornog organa zaprimljena dana 15.07.2024. godine.

Ugovorni organ postupajući po žalbi žalitelja utvrdio je da je žalba blagovremena, dopuštena i izjavljena od strane ovlaštenog lica.

Žalitelj podnosi žalbu vezano za tačku 7.4.2, Tenderske dokumentacije (Tehnička i profesionalna sposobnost), a zasniva se na sljedećem:

Žalitelj navodi da Ugovorni organ u Tenderskoj dokumentaciji u tački 7.4.2, Tenderske dokumentacije (Tehnička i profesionalna sposobnost), pod rednim brojem 4. traži dokaz o opremljenosti, vlasništvu i upotrebi - potvrdu/izjavu o građevinskim mašinama i tehničkoj opremi kojom izvođač raspolaže u svrhu izvršenja ugovora i registraciji mehanizacije u vlasništvu ponuđača - kopije saobraćajnih dozvola.

Nadalje, u vezi traženih dokaza kako ističe žalitelj, ugovorni organa nije jasno definisao za koje građevinske mašine je potrebna saobračajna dozvola na osnovu kojih Ponuđač ne može jasno da precizira zehťjeve Ugovornog organa i kao takve ispuni.

Ugovorni organ je žalbene navode razmotrio i zaključio sljedeće:

- 1) Ugovorni organ će izvršiti ispravku Tenderske dokumentacije u tački 7.4.2, (Tehnička i profesionalna sposobnost), pod rednim brojem 4.
- 2) Ugovorni organ će produžiti rok za dostavu ponuda.

S obzirom da su u Tenderskoj dokumentaciji jasno navedeni uslovi iz kojih je evidentno da se isti odnose na Tehničku i profesionalnu sposobnost, kao što su:

1. Spisak izvršenih ugovora uz potvrdu o njihovoj realizaciji koju daje druga ugovorna strana. U slučaju da se takva potvrda iz objektivnih razloga ne može dobiti od ugovorne strane, koja nije ugovorni organ, važi izjava privrednog subjekta/ponuđača o uredno izvršenim ugovorima uz predočavanje dokaza o učinjenim pokušajima da se takve potvrde obezbjede (u skladu sa zahtjevima člana 48. stav 2) ZJN). Potvrda o uredno izvršenim ugovorima (u skladu sa zahtjevima člana 48. stav 3) ZJN mora sadržavati sledeće podatke:

Naziv i sjedište ugovornih strana ili privrednih subjekata;
Predmet ugovora;
Vrijednost ugovora;
Vrijeme i mjesto izvršenja ugovora;
Navode o uredno izvršenim ugovorima.

Napomena:

Pod potvrdom o uredno izvršenim ugovorima podrazumijeva se potvrda **koju je izdala druga ugovorna strana** (investitor). Kao dokaz se neće prihvatiti dostavljeni ugovor/i ili samo spisak izvršenih ugovora.

2. Dokaz da Ponuđač ima angažovano u radnom odnosu, pod Ugovorom o djelu ili poslovno-tehničkoj saradnji: **minimalno jednog VSS, dipl.inžinjera građevine ili arhitekture** sa položenim stručnim ispitom. *Ponuđači su dužni dostaviti: izvod iz PIO/MIO/Poreske uprave iz kojeg se vidi da ima uposlenu u radnom odnosu, ugovor o djelu ili drugi važeći dokument kojim potvrđuje navedeno, ovjerena kopija ili original, s tim da original dokumenta ne može biti stariji od 3 (tri) mjeseca od dana predaje ponude, diplomu i uvjerenje o položenom stručnom ispitu.*

3. Dokaz da Ponuđač ima angažovane u radnom odnosu, pod Ugovorom o djelu ili poslovno-tehničkoj saradnji odgovarajući broj kvalifikovanih radnika građevinske, arhitektonske, elektro i mašinske struke. *Kao dokaz ponuđači su dužni dostaviti izvod iz PIO/MIO/Poreske uprave iz kojeg se vidi da ima uposlene kvalifikovane radnike građevinske, arhitektonske, elektro i mašinske struke u radnom odnosu, Ugovor o djelu ili drugi važeći dokument kojim potvrđuje navedeno (najmanje 15 radnika), ovjerena kopija ili original, s tim da original dokumenta ne može biti stariji od 3 (tri) mjeseca od dana predaje ponude.*

4. Dokaz o opremljenosti, vlasništvu i upotrebi - potvrdu/izjavu o građevinskim mašinama i tehničkoj opremi kojom izvođač raspolaže u svrhu izvršenja ugovora i registraciji mehanizacije u vlasništvu ponuđača - kopije saobraćajnih dozvola.

U skladu sa ispunjenosti uslova iz člana 51. potrebno je dostaviti tražene dokaze/Izjave u vidu originala ili ovjerene kopije (sa tim da datum izdavanja originala ne može biti stariji od tri mjeseca računajući od *dana* dostavljanja ponude - pod danom dostavljanja ponude smatra se dan/datum, koji je Ugovorni organ, odredio u ovoj TD kao dan/datum za prijem ponuda).

U skladu sa ispunjenosti uslova iz člana 51. tačka c), d) i f) potrebno je dostaviti ovjerenu Izjavu od strane ponuđača - Prilog 7 TD. 12

Ugovorni organ je shodno navedenom, prihvatio žalbene navode kao osnovane te će u buduće izvršiti ispravku tenderske dokumentacije u onom dijelu na koje se žalbeni navodi odnose i izmjenu TD-a objaviti na portalu Agencije za javnu nabavku.

Navedene izmjene se odnose na isključivanje dostave onih dokaza koji TD-om nisu jasno i precizno definisani.

U izmjenama TD-a, svi zainteresovani ponuđači koji žele sudjelovati u postupku javne nabavke, neće imati obavezu dostavljati dokaze iz tačke 7.4.2, Tenderske dokumentacije (Tehnička i profesionalna sposobnost), pod rednim brojem 4. odnosno neće morati dostaviti dokaz o opremljenosti, vlasništvu i upotrebi - potvrdu/izjavu o građevinskim mašinama i tehničkoj opremi kojom izvođač raspolaže u svrhu izvršenja ugovora i registraciji mehanizacije u vlasništvu ponuđača - kopije saobraćajnih dozvola.

Preostali dio Tenderske dokumentacije ostaje ne promjenjen.

Nadalje, rješenjem ugovornog organa za prihvatanje žalbenih navoda, prethodila je detaljna analiza predmeta nabavke i utvrđivanja stvarne potrebe za dokazima kvalifikacionih i finansijskih sposobnosti ponuđača, te je isto donešeno u svrhu poštivanja Općih principa i Člana 3. Zakona o javnim nabavkama („*Službeni glasnik BiH*“ broj 39/14, 59/22), prema kojim je Ugovorni organ dužan da postupi transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju, s ciljem najefikasnijeg korištenja javnih sredstava u vezi s predmetom nabavke i njegovom svrhom.

Uzimajući u obzir sve naprijed navedeno i izloženo ističemo da je ugovorni organ s dužnom pažnjom razmotrio sve žalbene navode žalitelja, te navode vezano za tražene dokaze smatra osnovanim, gdje je slijedom svega izloženog, doneseno rješenje kao u dispozitivu.

POUKA O PRAVNOM LIJEKU: Protiv ovog Rješenja može se izjaviti pismena žalba u roku od 10 (deset) dana od dana prijema istog. Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

Nerin Dizdar

Dostaviti:

1. Žalitelj
2. Web stranica Ministarstva
3. a/a